

IN DOCTVM ET VERE ELEGANTEM,

De

DICENDI ET DISSERENDI RATIONE,

Tractatum,

*Reuerendi & Clarissimi viri,*

**DN. DOCTORIS CVNRADI  
ASLACHI B. SACRARVM LITERARVM**

IN REGIA DANORVM ACADEMIA PROFESSORIS  
celeberrimi, & pro tempore Rectoris Magnifici, collegæ desi-  
deratissimi, fratrisque in Christo longe Con-  
iunctissimi.

*Iambicum Trimeterum.*

Gasp. Erasmi Brochmand.

**Q**ui se sacris emanciparunt literis,  
Hos eruditionis ignarissimos  
Politioris esse, vulgi assertio est.  
Quam pectorum vulgarium sententiam,  
ASLACE, regia decus magnum scholæ,  
Sat cognite interpres sacrae pagine,  
Scripto refutas elegantiusculo.  
Politior nam, quæso, quid scientia est,  
Si non? Via compendiaria & noua  
Docere quid factò opus, belle suis  
Vt mens & interpres diserta oratio  
Fungantur & foris domique partibus.  
Quod dum polito sæpius quam septies,  
CVNRADÉ, ad vnguem opusculo, ceu virgula  
Monstras sacra: quis entheæ scientia  
Doctoribus sat iure iusto deroget  
Politulam scientiam & facundiam.

\* 3

IN